



Margaret Hamilton

BRAVXS

*Margaret
Hamilton
(1937)*

Comezou os seus estudos na Universidade de Michigan onde se licenciou en Matemáticas (con Diplomatura en Filosofía) en 1958. Sufriu un parón na súa carreira por axudar a súa parella a rematar os seus estudos, pero inmediatamente empezou a traballar no Departamento de Meteoroloxía do Instituto Tecnolóxico de Massachusetts (MIT), onde aprendeu varias linguaxes de programación por si mesma.

Ela foi a encargada de deseñar o software de varios ordenadores para predicir o tempo e buscar avións «non-amigos». Posteriormente, liderou o deseño do software que facía funcionar o Apolo 13, e evitou o fracaso da misión, pois antes de aluar, a nave tivo un fallo que ela evitou: «Se o ordenador non se deseñase para recuperar erros, dubido que o Apolo aterrarse na Lúa». De forma moiinxusta, nun dos maiores fitos do século XX, a chegada do ser humano á Lúa, invisibilizouse a participación das mulleres nesta fazaña (efecto Matilda), pese a que foron moitas as que fixeron posible a carreira espacial.

Tamén traballou para animar as nenas e as mozas a estudar carreiras científico-técnicas: «Unha non debería ter medo a decir "non o sei" ou "non o entendo", ou incluso de facer "preguntas tontas". Ningunha pregunta é tonta. Aínda que as cousas poidan parecer imposibles e che digan que é..., imposible, áinda que haxa que seguir o camiño soa, non hai que ter medo a estar equivocada, a admitir erros; aquelas que saiban fallar de forma estrepitosa son as que poden conseguir cousas grandiosas». Ademais, foi ela a que acuñou por primeira vez o termo «enxeñaría de software», pese ás burlas machistas de moitos dos seus compañeiros da NASA. Hoxe, a enxeñaría de software é unha rama da ciencia e ela, a primeira enxeñeira de software da historia da humanidade.

Universida de Vigo

Unidade
de Igualdade

Cátedra de
Feminismos 4.0

DEPUTACIÓN
PONTEVEDRA